

Gipuzkoako Aldizkari Ofiziala**80. zenbakia****Data 2000-04-28****6897 orria****7 UDAL ADMINISTRAZIOA****PASAIKO UDALA****Animaliak izan eta babesteko udal ordenantza behin-betiko onartzea****PASAIKO UDALA***Iragarkia*

Udalbatzarrak 2000ko martxoaren 27an besteak beste hurrengo akordia hartu du:

1. Animaliak Eduki eta Babesteko Udal Ordenantza Munizipala behin betirako onartzea publikatuz testu osoa Gipuzkoako Aldizkari Ofizialean

Ebazpen honek amaiera ematen dio bide administratiboari eta honen aurka dagokion errekurtsioa tartekatu ahal izango da Euskal Herriko Justiziaren Auzitegi Gorenaren Liskar Auzi Administratiboaren Aretoaren aurrean, Liskar Auzi Administratiboaren Jurisdikzioaren Arautzailea den uztailaren 13ko 29/1998 Legearen arabera, honen berri eman eta hurrengo egunetik hasita bi hilabeteko epe barruan.

Hala nahi izanik, Erregimen Lokalaren Oinarrizko Legearen 52.1 artikulua dioaren arabera, interesatuak erreposizio errekurtsioa jarri ahal izango du organo honen aurrean honen notifikazioa jaso eta kontatzen hasita hilabeteko epea barruan, beste hilabete baten barruan erabaki beharko delarik, honen amaiera, erabaki ez balego, errekurtsioa gaitzetsizat emango delarik liskar-auzi administratiboa irekia geratuz.

Interesatuak halaber tartekatu ahal izango u interesgarritzat joko duen beste edozein Errekurtsio ere.

Pasaia, 2000 apirilaren 12a.—Juan Carlos Alduntzin Juaneana, Alkatea. (4063)

ANIMALIAK EDUKITZEA ETA BABESTE ARAUTUKO DUEN UDAL ORDENANTZA**SARRERA**

Animalien babesari buruzko legeek eta gainerako xedapenek Erregimen Lokaleko Oinarrien Lege Arautzaileak eta urriaren 29ko Euskal Herriko Erkidego Autonomoko 6/1993 Legeak Udalarari aitortutako konpetentzien arabera diktatu da Ordenantza hau.

ZIOEN AZALPENA

Ordenantza honek arautu nahi du:

a) Era guztietako animaliak edukitzea, konpainiakoak nahiz bestelakoak, animalien eta pertsonen arteko elkarbizitza antolatuz, hartara gerta daitezkeen osasun-arriskuak, lasaitasuna, osasuna eta pertsona zein ondasunen segurtasuna zaindu asmoz.

b) Era berean animaliekin izan beharreko gutxieneko arreta: Tratua, garbitasuna eta elikadura, animalien babesa, erakusketa eta garraioa.

c)Horiez gain, animaliak aldi baterako hartzen dituzten zentroek, kontsultategiek, albaitari-klinika zein ospitaleek eta animaliak saltzen dituzten lokalek bete behar dituzten baldintza eta ezaugarriak.

d)Azkenik, arau-urratze eta ezarri beharreko zigorrak eta zigortzeko prozedura exekutiboa ezartzea.

I. TITULUA

HELBURUAK, DEFINIZIOAK ETA EREMUA

I. KAPITULUA. EZARPEN EREMUA ETA HELBURUAK

1. artikulua.

Ordenantza honen ezarpen-eremuak Pasaia udalerriko esparru urbano guztiak hartzen ditu.

2. artikulua.

Ordenantza honen xedea da udalerrian aurkitzen diren animalia domestiko, hezitako eta basatien babeste, elkarbizitze, edukitze, erabiltze, erakuste eta merkaturatzeko arauak jartzea, animaliak bertan zentsatuak edo erroldatuak bai ala ez egon, eta jabeak edo edukitzaileak edozein lekutan bizi.

Honetarako arreta minimoak ezartzen dira beraiekiko tratu, higie eta zaingoaz, identifikazio eta babesaz eta halaber ezartzen dira arauak establezimendu berezituetan, osasun-arretan, merkatalgoan eta salmentan bete behar izateko.

Ordenantza honen ezarpen - eremutik at geratzen dira beren arautegi propioa dutelako:

a)Ehiza.

b)Arrantza.

c)Basoko faunaren babesa eta kontserbazioa bere ingurune naturalean.

d)Zezenekin egindako festak.

e)Animalien erabilera ikerkuntza eta bestelako helburu zientifikoetarako.

f)Hegazti-tiroko lehiaketak.

g)Hainbat herri-kirol, elementu nagusia etxeko animaliak direnean.

II. KAPITULUA. DEFINIZIOAK.

3. artikulua.

1.Konpainiako animalia:

Gizakiak mantentzen duen animalia, batez ere etxean, etxeko animalia zein basatia izan, eta jostatzeko, hezitzeko nahiz apaintzeko edota gordetzeko edo babesteko, irabazi-asmoko jarduerarik gabe.

2.Ustiaketarako animalia:

Irabazi-asmoarekin gizakiak mantentzen dituen animaliak, irabaziak animalien ustiakeetatik zuzenean nahiz hauengandik eskuratutako produkzioen ustiakeetatik lortu.

3. Basa animalia gatibutzan:

Berez basatiak izanik gatibutzan jaio diren animaliak edo naturan libre jaio arren, gatibutzan dauden animaliak, hezitzeke helbururik gabe.

4. Abandonatutako animalia:

Abandonatutako animaliatzat joko dira jabe edo helbide ezagunik ez dutenak, animalia-aren datuak jakiteko sistemarik ez dutenak eta erroldan ez daudenak.

Era berean, abandonatutako animaliatzat joko dira ondorengo egoeretan daudenak: Erroldan egon arren animalia-aren jabeak ez badu arautegiak ezarritako epe barruan bere desagertzearen salaketa egin, edota bide publikoan jaberik gabe dabilzanak.

II. TITULUA

ARAU OROKORRAK

III: KAPITULUA. IZAERA OROKORREKO ARAUAK

4. artikulua.

Hasiera batean baimendu egiten da etxe partikularretan konpainiako etxeko animaliak edukitzea, baldin eta etxeak, bertako instalazioek eta animalien kopuruak zein animalien tamainak horretarako aukera ematen badute osasunaren eta garbitasunaren aldetik, eta ez baldin bada sortzen auzokideentzat, animalientzat edo beste edonorentzat arrisku-egoerarik edo eragozpenik.

Debekatua dago balkoietan, garajeetan, pabilioietan, sotoetan, azoteetan, lorategietan edota bestelako edozein lokaletan animaliak edukitzea edo ukuiluratzea, baldin eta animaliek auzokide zein oinezkoentzat molestiak sortzen badituzte beren usain, zikinkeria, ulu nahiz zaunkekin.

Era berean debekatua geratzen da txakurrak edukitzea zona ez urbanizagarrian dauden baratzeetan, partzela anexuak eta baserrienak edo landetxeenak ez badira behintzat.

5. artikulua.

Debekatua dago hirigunean animaliak hazteko ustiategiak edukitzea, eta ezin izango dira ukuiluratu etxe partikular, terraza, azotea, ganbara, soto, trastegi, bodega edota patioetan.

6. artikulua.

Parke, zoologiko edo antzeko helburua duten bestelako lekuetatik kanpo basa animaliak izateko, indarrean dagoen legeria bete beharko da kasu bakoitzean eta jabea arduratuko da auzokideentzat arrisku edo eragozpenik ez sortzeaz. Horregatik debekatua egongo da animalia hauek solte lagatzea gune irekietan edo jendea dabilen lokaletan.

7. artikulua.

Animalien jabeak edo edukitzaileak behartuta daude janari egokia eta zainketa egokia ematera animalien ongizatea guztiz bikaina izan dadin, gaixotasunen tratamendua dela zein osabidea dela, bai

eta agintariak ezarritako administrazio neurriak zein osasunaren prebentzioari buruzkoak betetzera ere. Horiez gain, animalia mota bakoitzak dauzkan ezaugarrien araberako alojamendua eman beharko diete jabeek animaliei.

8. artikulua.

Obrak zaintzeko txakurrak erabiltzen dituzten pertsonak edo enpresek janari eta zainketa egokiak eman beharko dizkiete. Animalia udalerrian obra exekutatu arteko beharrezko denboran bakarrik egongo balitz, jabeek txakurren erroldan inskribatu beharko dute izaera iragankorrez, aipatu jarduerak amaitzean baja eman beharko dutelarik.

9. artikulua.

Animaliak ondo babestuak egon daitezzen, erabat debekatuak daude:

1. Animaliak bortizkeriaz edo substantzia toxikoak emanaz akabatzea, bide zein gune publikoetan substantzia toxikoak gordetzea eta norbere zein inoren animaliak zauritzea, ankerkeriaz tratatzea edo tratu txarrak ematea, konpainikao animalia izan zein etxekotua izan zein basa animalia izan, eta etxean eduki zein elkarbizitzan edo gatibutzan eduki.

2. Animaliak antzerki, diskoteka, pelikula edo propaganda jardueretan erabiltzea, baldin eta erabilera horren ondorioz, animaliak sofritu edo mina hartzen badu edota degradatzen bada.

3. Animalien arteko borroka-saioak, publikoak zein pribatuak, baldin eta bertan animaliak akabatu, zauritu edo erasotzen bazaie.

4. Animaliei mutilazioak egitea, albatariaren kontrolpean helburu terapeutikoz, arrazoi funtzionalez edo arrazaren ezaugarriari eusteko eginak ezik.

5. Espreski debekatzen da animaliak abandonatzea.

6. Zerbaiten erosketa bezala saritza edo oparitzat bezala ematea.

7. Adin txikikoei eta elbarrituei animaliak saldu, lagatu edo ematea, beren guraso-agintea edo zainketa-ardura dutenen baimenik gabe.

8. Baimendutako merkatu eta azoketan izan ezik, animalien salmenta ibiltaria.

9. Administrazioaren kontrolrik gabe animaliak klinika eta laboratorioei saltzea.

10. Alkohola, drogak eta botikak ematea edo kalte fisikoak zein psikikoak eragin ahal dizkien edozein manipulazio artifizial egitea, bereziki lehiaketetan errendimendua handitzeko bada.

11. Mota babestuetako animaliak saltzea, edukitzea eta erakustea, arlo honetako legeria kontuan izan gabe.

III. TITULUA

ETXEKO TXAKURRAK ETA KATUAK

IV. KAPITULUA. ZENTSOA ETA IDENTIFIKAZIOA

10. artikulua.

Ordenantza honen bidez «Pasaia Udalararen Animalien Erregistroa» sortu da, non hasiera batean erregistratuko den Pasaian era iraunkorrez nahiz iragankorrez dagoen mota guztietako txakurra.

Izaera administratiboa duen Erregistro publikoa da, Trafiko eta Udaltzaingoaren Udal Arearen ardurakoa.

Aipatu txakur-errolda Animalien Identifikaziorako Gipuzkoako Lurralde Erregistroarekin konektatua egongo da, Gipuzkoako Foru Diputazioko Ganadu Zerbitzuan.

Halaber arduratuko da Udala datu-basea urtero eguneratzeaz eta bertako datuen konfidentzialtasuna zaintzeaz.

11. artikulua.

Pasaia Udaleko Animalien Erregistroa» ondorengo baliabideekin antolatuko da:

a) Inskripzioen Liburua, prozedura informatikoak erabiliz baliatuko dena, txakur bakoitzaren hurrengo datuak jasoz:

— Titular edo jabearen identifikazioa eta bestela izen-abizenak, ENA zka., helbidea eta telefonoa.

— Identifikazioaren kode alfanumerikoa eta izena ematean txakurraren osasun-egoeraren indikadoreen bat.

— Arraza, kolorea, sexua, adina eta izena.

— Txakurra identifikatzeko balio lezakeen beste zeinahi ezaugarri, argazkia barne, jabeak hala nahi izanez gero.

b) Txakurraren bizitzan zehar sor daitezkeen informazio legal eta administratiboa jasoko duten dokumentuen artxiboa.

12. artikulua.

Txakur-jabe edo edukitzaileek derrigorrez identifikatu eta erroldatu beharko dituzte beren txakurrak, txakurra jaio edo erosi den momentutik hilabeteko epean. Berdin egingo da bestelako edozein konpainiako animalia bada ere.

13. artikulua.

Animalia identifikatzeko inplante elektronikoa erabiliko da Eusko Jaurlaritzaren Nekazaritza eta Arrantzaren Sailak 1993ko maiatzaren 25eko 109/93 Aginduak animalien identifikazioaz erabakitzen duenaren arabera.

14. artikulua.

Txakur-jabeek gainera txakurraren osasun-kartila bat eduki beharko dute eta bertan konstarazi jabe edo titularraren izena, identifikazioaren kode alfanumerikoa eta animalia osasun egoeraren ezaugarrien bat eta baita ere mota, arraza., sexua, adina, aptitueda, izena eta zehazki identifikatzeko beharrezko oharpenak (argazkia barne jabeak hala nahiz izanez gero). Era berean jarriko dira txertoen datak albitariaren identifikazioarekin, parasitazioak kendu zitzaion data eta gainerako osasun-intzidentziekin batera. Jabeak erantzukizun zibilaren aseguru-poliza bat sinatu beharko du eta kartilan polizaren zenbakia konstaraziko da eta aseguru-etxearen datuak. Kartila eta/edo

identifikazioa galduz gero, berehala egin beharko da identifikazio berria eta bidali.

15. artikulua.

Animalia-jabeek edo edukitzaileek al baitariari jakinarazi beharko diote heriotzagatik izandako bajak, eta al baitariak horren berri emango dio Udalari edo dagokion Lurralde Erregistroari, heriotza gertatzen den egunetik kontatzen hasita, 10 eguneko epean.

16. artikulua.

Animalia lapurtu edo desagertuz gero, salaketa jarri beharko da 24 orduko epe barruan eta hori egin ondoren, 10 eguneko epea egongo da lapurreta edo desagerketaren berri emateko al baitariari edo zuzenean Udalari.

17. artikulua.

Txakur-jabeak edo edukitzaileak etxez aldatzen badira edo txakurraren jabetza eskualdatzen badute, 10 eguneko epea izango dute horren berri emateko al baitariari, Udalari edo dagokion Lurralde Erregistroari.

18. artikulua.

Animaliaren jabeak ordainduko ditu identifikazio zerbitzua, osasun-txartela eta erroldan izena ematea.

19. artikulua.

Animaliak jasotzeaz arduratzen diren udal-zerbitzuak jasota edukiko dituzte Ordenantza honen bidez abandonatutzat jo daitezkeen animaliak.

V. KAPITULUA. ANIMALIEN OSASUN KONTROLA

20. artikulua.

Gizakientzat zein gainontzeko animalientzat kutsakorra den gaixotasuna diagnostikatzen badiote animalia bati edo horrelako gaixotasun sintomak balitu, edo pertsonaren bati haginka egin badio, Udalak animalia hori giltzapean ipintzeko edo isolatzeko aginduko du.

Animaliaren batek pertsonentzat kutsakorra den gaixotasunen bat balu, eta gaixotasuna al baitari kolegiatu batek diagnostikatu badu, eta bere iritziz animalia akabatu egin behar bada, baimendutako eutanasia-sistemaren bat erabiliz akabatuko da, eta gastuak jabeak ordaindu beharko ditu. Horiez gain, gaixotasun kroniko sendaezinak dituztenak eta jabeek behar bezala zaintzen ez dituztenak ere akabatu egin beharko dira.

21. artikulua.

Foru Aldundiak eta/edo Eusko Jaurlaritzak agintzen badu, jabeek derrigorrez eduki beharko dute txakurraren osasun-txartela.

22. artikulua.

Eusko Jaurlaritzako Nekazaritza eta Arrantza Sailak egoki ikusten dituen neurriak hartuko ditu gaixotasun-agerraldiak badaude edo neurri horiek hartzea eskatzen duten bestelako egoerarik sortzen

bada, pertsonentzat eta gainontzeko animalientzat kaltegarriak izan ez daitezten.

23. artikulua.

Norbaiti haginka egin dioten txakur eta katuei Foru Aldundiko Abeltzantza Zerbitzuak agindutako kontrolak egin beharko zaizkie, zerbitzu hori da eta arlo horren ardura duena.

24. artikulua.

Haginka lesioak edo zauri sakonak egin dituztela frogatu zaien txakurrak al baitariak obserbazioan edukiko ditu Udal Zerbitzu propioan edota kontzertatuan, 14 egunez, afektatuak izan diren pertsonen tratamendu medikoa zehaztu ahal izateko. Txakurra aterpetxetik atera aurretik, txakur-jabeak gastuak ordaindu beharko ditu.

Jabeak behartuak daude eraso egin duen txakurraren datuak ematera bai kaltetua izan den pertsona edo honen ordezkari legalei, bai eta hala eskatzen badute agintari konpetenteei ere.

Agindu hau ez betetzea txakur-jabearen edo edukitzailearen haustura izango da edota baita beste zeinahi pertsonarena ere, bestearen ausentzian, eta gertatuen berri badu.

Gorabehera epizootikoek posible eginez gero, eta beti ere al baitariaren baimenarekin, eta jabearen erantzukizunez, beharturik dagoen al baitariak obserbazioa egin ahalko dio, gutxienez hiru bisita, azkena hozka egin eta hamalagarren egunean, emaitzaren berri al baitariak dagokion ziurtagiri ofizialez emanez, honek alta eman diezaion txakurrari, aurrenik azken egunean obserbazioa eginik, bidezkoa balitz.

VI. KAPITULUA. ANIMALIAK LEKU PUBLIKOETAN

25. artikulua.

Debekatua dago kanpo-espazioetan edo lokal irekietan kaltegile edo basati bezala kontsideratuak diren txakurrak solte uztea.

26. artikulua.

Txakurrak lepokoarekin, uhalarekin eta muturrekoarekin lotuta ibili beharko dira bide publikoetan eta pertsonak dabiltzan gainerako leku guztietan: Muturrekoaren erabilpena nahitaezkoa izango da Animaliak Edukitzeko Erregimen Juridikoa 50/1999 Legeak arautzen duen edukitzako animalientzat ezik.

27. artikulua.

Debekatua dago animaliak honako leku hauetan sartzea:

a) Edozein motako elikagaiak fabrikatu, gorde, garraiatu edo saltzeko lekuak.

b) Ikuskizun publiko, kultural, kirol eta jostetako lokalak, igerileku publikoak eta osasun zentroak. Bakarrik sartu ahal izango dira leku horietan animalien lehiaketak edo ikuskizunak antolatzen direnean.

c) Ikastetxeak, salbu eta heziketa prozesuan behar badira, eta kasu honetan zuzendariaren edo zentroko arduradunaren erantzukizuna izango da.

Leku guzti horien titularrek debeku hau adierazten duten seinaleak ipini behar izango dute ondo ikusteko moduan.

28. artikulua.

Ostalaritza arloko establezimendu publikoen jabeek, hau da taberna, pentsio, jantoki, hotel, kafetegi edo antzekoen jabeek debekatu ahal izango dute, hala nahi izanez gero, bertan txakurrak sartzea. Txakurrak sartuz gero, ordea, derrigorrez eskatu beharko dute txakurrek identifikazioa izatea, uhalarekin lotuta egotea eta bozala ipinita, txakurraren ezaugarriek eta izaerak halakorik eskatzen badute. Bestalde, txakurrek ezin izango dute gaixotasun sintomarik eduki edo zikinak egon. Ezin izango da txakurrik sartu janaria egin eta manipulatzeko den lekuetan.

29. artikulua.

Toki komunitario pribatuetan, hau da, kultur alkarte, jolas elkarte, auzokideen komunitateen erabilerarako zona eta abarretan animaliak sartu eta egon ahalko dira, baldin eta entitate horiek dituzten arauak onartzen badituzte eta arauak betetzen badituzte.

30. artikulua.

Igogailua hartzeko orduan, bertan sartu behar dutenek, ez badute animaliarekin batera sartu nahi, ez dira igogailuan batera sartuko.

31. artikulua.

Debekatua dago garraio publikoetan animaliak garraiatzea. Garraiatu ahal izango dira, ordea, animalien garraiorako leku bereziak dituztenean. Edozelan ere, animalia geldirik joan behar izango da poltsa, otzara edo bestelako lekuren batean. Animalia taxiz eramaten bada, taxiaren titularrak esandakoa bete behar izango da.

32. artikulua.

Gida-txakurrentzat ez dago debekatua aurreko artikuluetan aipatutako lekuetan sartzea, baldin eta gida-txakur lanetan ari badira eta osasun baldintza egokiak betetzen badituzte, hau da, garbiketa, gaixotasun eta agresibitate eza. Debekatua daukate, ordea, janaria egin, gorde eta saltzen diren lekuetan sartzea.

Pertsona minusbaliatuekin dabilzan gida-txakurrak garraio publikoetan sartu ahal izango dira.

33. artikulua.

Debekatuta dago txakur-gorotza bide eta plaza publikoetan, haurren parkeetan, lorategietan, parterretan eta, oro har, leku apaingarrietan edo jendea biltzen den lekuetan uztea. Horregatik, txakurrekin doazen pertsonak gorotzak galtzadara eraman behar izango dituzte, espaloia zintarri ondora eta estoldaren hstubeetatik ahalik eta hurbilen laga (jabea izanik aipatu gorotzak biltzeko erarduraduna) eta Udalak gaitutako zonetan (Udala bera izanik arduraduna gorotz hauek biltzeko).

Ez dira lorategizat hartuko landare eta lorerik gabeko berdeguneak, haurrek ez badute bertan jolasten eta oinezkoen igarobideak ez badira, hala nola, zelaiak, bi galtadaren arteko lorategiak, mendi-hegalak eta belardiak.

Txakurrak gorotza espaloian edo oinezkoen igarobideetan lagatzen badu, txakur-jabeak edo txakurra daramanak dauka jasotzeko ardura. Horretarako poltsa iragitzetan sartu, poltsa itxi eta zakarrontzietara edo Udal zerbitzuek adierazitako beste tokietara botako du, etxeko zabor-poltsan ere

bota ahal du udal zabor-biltzaileek eramn dezaten eta estolderia-sareko hustubideetan ere bota dezake.

Txakur batek bide publikoa zikintzen badu, herritarrek eskubidea izango dute txakur-jabeari edo eramaileari eskatzeko zikindutakoa garbi dezala.

34. artikulua.

Udalak ahaleginak egingo ditu, aurrekontuak kontuan hartuta eta egoki iruditzen zaion unean, txakurrak ibiltzeko eta jolasteko lekuak prestatzeko lorategi eta parke publikoetan, eta konpainiako animalien gorotzak jasotzeko ekipamendu egokia ipiniko du bide publikoetan, horien kokapena ere ondo seinalizatuz.

35. artikulua.

Animalia bide publikoetan egon edo ibiltzen bada, eta norbaiti eta ondasun publiko zein pribatuei kalterik egiten badie, jabea izango da erantzulea.

VII. KAPITULUA. ANIMALIAK JASOTZEKO ZERBITZUA

36. artikulua.

Hildako animaliak.

Bide eta errepide publikoetan agertzen diren hildako animalien gorpuak Udalak jasoko ditu. Ez ditu jasoko, ordea, Lurzoruaren Legeari jarraituz, lurzoru hiritarrezin kalifikatutako lekuetakoak udal lurrak ez badira behintzat. Egoerak aginduta, udal zerbitzuek animali hildakoren bat jaso behar badute lur jabetza pribatu batetik, sortutako kostoak animalia jabeak hartuko ditu bere gain eta hala ez balitz luraren jabeak.

37. artikulua.

Abandonatutako txakur eta katuen kontrola.

1.Herrian zehar edo herri inguruko bideetan zehar jaberik edo eramailerik gabe dabilen animalia jaso egingo da eta Udalak egokitutako txakurtegira eramango da.

2.Animalia gutxienez 30 egunez egon ahal izango da gordeta txakurtegian eta jabeak jaso ahal izango du denbora tarte horretan. Bestalde, jaso ahal izateko, animalia jabea dela eta egiaztatu eta izandako gastuak ordaindu behar izango ditu. Gastuen zenbatekoak urtero ezarri eta argitaratzen ditu Udalak, eta ordainketa horiek ez diote kalterik egingo Ordenantza honetako arauen bat urratzeagatik ezarritako bestelako zigorrei.

3.Hogeita hamar eguneko epea igaro eta jabeak ez badu animalia jaso edo ez baditu eskubideak ordaindu nahi, ez zaio animalia itzuliko eta animalia eskatzen duen edonori eman ahal izango zaio, baldin eta animalia osasun eta administrazio-egoera konpontzeko konpromezua hartzen badu. Horrelakoetan 5 eguneko epea emango zaio eskatzaileari Udalean eta harrera zentroan egiaztatu ahal izateko.

4.Albaitariaren txostenak animalia egoera zein osasuna txarrak direla eta bere izaera arriskutsua dela adierazten badu, animalia akabatzeke epea aldatu egin ahal izango da, eta presaz akabatu ahal izango da.

5.Animalia jabe batek animalia txakurtegian lagatzen badu eta alde zaurretik espreski uko egiten

badio, animalia jabetzari, animalia eskatzen duen edonori eman ahal izango zaio 30 eguneko epean. Horrelakoetan animalia uko egin dionak ordaindu behar izango ditu momentu horretan indarrean dauden tasak.

6. Bide publikoan animalia bat jaso eta identifikatu egiten bada, jabetzari animalia jasota dagoela jakinarazteko jentzioak egingo dituzte udal-zerbitzuek. Jakinarazpen hori modu frogagarrian egongo da.

Beste aukerarik ezean, animalia eutanasia sistema baten bidez akabatuko da, beti ere albaitariaren ardurapean edo animalien babeserako zentroren bati emango zaizkie edo animalien eskaera egiten duten izaera zientifikoko zentro edo erakundeei, beti ere albaitari zerbitzuen txostena eta baimena kontuan hartuta, eta garraio-gastuak haien kontura izango dira.

7. Lakiolariak Agintaritzaren ordezkari izan behar diren bitartean, ondorio guztietarako, lanean ari diren bitartean.

IV TITULUA

ANIMALIAK ALDI BATEZ MANTENTZEN DITUZTEN ESTABLEZIMENDUENTZAKO ARAUAK

38. artikulua.

Titulu honen barruan sartzen dira:

- a) Hazkuntza eta hezkuntza zentroak eta aterpetxeak.
- b) Animaliak saltzeko lokalak.
- c) Albaitaritzako kontsultategiak, klinikak eta ospitaleak.
- d) Udalerrietako aldi baterako jarduerak (zirkoak, zoo ibiltariak).

39. artikulua.

Jarduera guzti horiek Udal-lizentzia behar izango dute, eta lizentzia hori jarduera Gogaikarri, Osasungaitz, Kaltegarri eta Arriskutsuei buruzko Erregelamenduak ezarritakoaren arabera izango da. Gainera, jarduera horiek eurei dagokien izena Foru Aldundiko Nekazaritza Zerbitzuko erregistroan izena eman beharko dute.

VIII. KAPITULUA. HAZKUNTZA ZEIN HEZKUNTZA ZENTROAK ETA ALDI BATERAKO ATERPETXEAK

40. artikulua.

Hazkuntza zentroek, hezkuntza zentroek eta animalien egoitzek Animalia sarrera eta irteeren erregistro liburuak eduki beharko dute. Liburuak arlo honetan eskumenak dituzten osasun agintarien esku egongo dira eta hiruhilabeteko aurkeztu beharko dute Udaletxean epe horretan saldutako animaliak, animalien jatorria, mota, arraza eta erosleak jasotzen dituen zerrenda.

41. artikulua.

Eraikuntzek, instalazioek eta ekipoek giro garbia sortu beharko dute, bertan dauden animaliak

babestuko dituzte eta egin behar izaten diren jarduera zoosanitarioak erraztuko dituzte. Halaber animaliak erraz manipulatzeko aukera eman behar izango dute eta animalien izaerari egokituta egon behar izango dira, hartara animaliei bizi-baldintza egokiak eskaintzeko.

42. artikulua.

Zentroetan edateko ura eduki beharko da, bertan dauden animaliek zein pertsonak edan dezaten eta instalazioak garbitzeko bestelako ura ere erabili ahal izango da.

43. artikulua.

Zentroek barruko saneamendu-sarea eduki beharko dute eta gorotza zein ur zikinak kentzeko neurri zuzentzaile egokiak edukiko dituzte, arlo horretako araudiak jasotakoaren arabekoak, hartara osasun publikoan zein inguruko osasun egoeran egon daitezkeen arriskuak gutxitzeko.

44. artikulua.

Zentroetako esparruak, lokalak zein kaiolak erraz garbitu eta desinfektatzeko moduan eta materialekin eraikiko dira. Leku horiek gutxienezko azalera izango dute, animalien tamainaren araberakoa izango dena, horrela animalien ongizatea bermatzeko.

45. artikulua.

Lokalak, animaliekin kontaktuan dauden tresnak eta animaliak garraiatzeko ibilgailuak, halakorik balego, garbitu eta desinfektatzeko tresnak zein baliabideak eduki behar izango dituzte.

46. artikulua.

20 animaliaiko kaiola bat eduki behar izango dute gutxienez, gaixorik dauden animaliak eta gaixorik daudelako susmoa dagoenean, bertan isolatu, bahitu eta behatzeko. Kaiolak erraz garbitu eta desinfektatzeko modukoak izango dira.

Era berean, animalien gorpuak eta material kutsagarriak ezabatu edo desagertarazteko bitarteko egokiak eduki behar izango dituzte.

47. artikulua.

Zentro hauek garbitasun eta profilaxi programa definitu bat egin behar izango dute albaitari tekniko batek oniritzia emanda, eta honako hau jasoko du gutxienez: Behar den bakoitzean eta gutxienez sei hilabetean behin, animaliekin kontaktuan dauden materialak eta lokalak sakon desinfektatuko direla eta intsektuen eta arratoien kontra fumigatuko direla.

Albaitari-ikuskatzaile ofizialek instalazioak zein bertako animalien egoera ikuskatu ondoren, osasunaren eta garbitasunaren aldetik akatsen bat ikusten badute, jardueraren titularrei akatsok zuzentzeko behar diren neurriak hartzeko eskatuko diete.

IX. KAPITULUA. ANIMALIAK SALTZEKO LOKALAK

48. artikulua.

Animaliak saltzen dituzten establezimenduek albaitari-aholkulari bat eduki beharko dute. Albaitari-aholkularia animalien sarrera eta irteerako erregistro-liburuaz arduratuko da, eta honako hauek ere jaso beharko dituzte bertan: Mota, arraza, adina, jatorria, inportazio-baimenaren zenbakia, sarrera eta

irteerako data, animaliairen helburua eta bestelako datu interesgarriak. Liburuak udaleko Osasun Agintaritzaren esku egon beharko du eta hiruhilabetetik behin saldutako animaliak, horien ezaugarriak eta eroslearen datuak jasotzen dituen zerrenda bat eraman behar izango dira udaletxera.

Bizirik dagoen animalia saltzen duenak animaliairen jatorria, ezaugarriak eta osasun egoera jasotzen dituen agiri bat eman behar izango dio erosleari. Edozelan ere, nahiz eta saltzaileak agiri hori eman, animaliak gaixotasunen bat inkubatzen badu, salmentaren unean detektatu ez dutena, saltzaileak ere izango du horren erantzukizuna.

49. artikulua.

Animaliak saltzen dituzten lokaletako esparru, kaiola edo bestelako tokiak egokiak izan beharko dira, bertan erakusgai dauden animalien egoera egokia izan dadin.

50. artikulua.

Inoiz ere ezingo da babestua dagoen faunako animaliarik komertzializatu.

X. KAPITULUA. ALBAITARIEN KONTSULTATEGIAK, KLINIKAK ETA OSPITALEAK.

51. artikulua.

Animalia txikientzako kontsulta klinikoak eta osasun tratamenduak eskaintzen dituzten anbulatorio izaera duten establezimenduak, honela sailkatuko dira: Albaitari Kontsultategia, Albaitari Klinika eta Albaitari Ospitalea.

1. Albaitari Kontsultategia: Gutxienez itxarongela eta kontsulta gela eduki behar izango ditu eta bertan sendaketa eta kirurgia ebakuntza txikiak egin daitezke.

2. Albaitari Klinika: Gutxienez honako hauek eduki behar izango ditu: Itxarongela, kontsulta gela, ebakuntzak egiteko gela, instalazio erradiologikoak, laboratorioa eta suspertze-atalak.

3. Albaitari Ospitalea: Albaitari Klinikak dituztenez gain, ospitaleratze-gela ere eduki behar izango du, eta bertan 24 orduko osasun-zainketa eta bertan ingresatuta dauden animalien eten gabeko zainketa ziurtatu behar izango dute.

52. artikulua.

Establezimendu guzti horiek udal-lizentzia behar izango dute, eta isolatuta dauden eraikinetan edo beheko plantan dauden lokaletan kokatu ahal izango dira, albaitari-ospitaleak izan ezik. Edozelan ere, debekatua dago etxebizitza erabilerako eraikin batean horrelako jarduerarik jartzea.

53. artikulua.

Albaitari ospitaleek honako baldintza hauek bete beharko dituzte baimenak lortzeko: Etxebizitzetatik aldentuta egongo dira, aparteko eraikin batean. Eraikina itxita egongo da, eta gune librearen erdia izango du, ospitale-plaza bakoitzeko 20 m².

54. artikulua.

Debekatua dago honako leku hauetan aldi baterako zein aldizkako albaitari-kontsultategia edukitzea: Merkataritza establezimenduetan zein bertako lokalen batean (botiketako bulegoetan, janari dendetan, ostalaritzako lokaletan eta jantokietan bereziki), bai eta animaliak saltzeko lokaletan zein animaliak babesteko elkarten lokaletan ere.

55. artikulua.

Ekipamenduek zein instalazioek sektoreko arautegia betetzeaz gain, honako hauek ere bete beharko dituzte:

- 1.Lurzorua iragazgaitza, erresistentea eta garbigarria izango da.
- 2.Parametro bertikalak lurzorutik gutxienez 1,75 m-ko altuera arte egongo dira alikatatuta. Gainontzekoen eta sabaiaren materialak erraz mantentzeko, garbitzeko eta desinfektatzekoak izango dira.
- 3.Edateko ura, ur hotza eta beroa edukiko dituzte (gehienez 82° C-ra artekoa).
- 4.Hildako animalien gorpuak kentzeko baimendutako bideak erabiliko dira.
- 5.Bertan sortutako hondakinak kentzeko, ontzi txikiak erabiliko dira eta une bakoitzean indarrean dauden arauak bete behar izango dituzte.
- 6.Txakurren gorotzak zabor-poltsa iragazgaitz eta itxietan eliminatuko dira.
- 7.Instalazio, tresna eta ibilgailuen garbiketa, desinfekzio eta desinfektazio-lanak era sistematiko, periodiko eta jarduerak aginduko duen aldietan egingo dira. Honetaz aparte eta urtean behin gutxienez, lokala ofizialki baimendutako enpresa batek desinfektatu eta desinsektatuko du.

56. artikulua.

Albaitari klinika, kontsultategi edo ospitale bat ireki eta funtzionamenduan jartzeko beharrezkoa izango da Zuzendaritza Teknikoak albaitari profesional kolegiatu bat edukitzea eta establezimenduan burutuko diren jarduera guztiak lanbidea exertzatzeko baimenduak leudekeen kolegiatu gaituen bidez egingo dira.

XI. KAPITULUA. ALDI BATERAKO JARDUERAK. (ZIRKOAK, ZOOAK, ERAKUSKETA MUGIKORRAK, ETAB.)

57. artikulua.

Aldi baterako jarduerak une bakoitzean indarrean dauden udal-baimenak bete behar izango dituzte.

58. artikulua.

Era berean, hainbat osasun eta garbitasun baldintza bete beharko dituzte, jarduera finkokoek dituztenen antzekoak, baina aldi baterako jarduerentzako ezarritako salbuespenekin batera.

59. artikulua.

Honako agiri guzti hauek eguneratuak eduki beharko dituzte: Baimenak, ziurtagiriak, jabetzari buruzko gainontzeko betebeharrak eta jarduerako animalien osasun zein jatorri ziurtagiriak.

V. TITULUA

ZIGOR-ERREGIMENA

XII. KAPITULUA. HAUSKETAK

60. artikulua.

Honako Ordenantza honen ondorioetarako, arau-urratzeak honela sailkatuko dira: Arinak, larriak eta oso larriak.

A.Arau arinak izango dira:

—Errolda identifikaziorik gabeko animaliaen bat izatea, identifikatuta edukitzea derrigorrezkoa denean.

—Animaliak garraiatzea Lege eta Erregelamenduetan ezarritakoa bete gabe.

—Animalien gorotzak bide zein plaza publikoetan, haurren parkeetan, lorategietan, leku apaingarrietan eta pertsonak ibiltzeko lekuetan lagatzea.

—Animaliak ondo zaindu eta begiratu ezin diren lekuetan edukitzea.

—Animaliei tratu iraingarriak ematea.

—Ordenantza honetan zein bestelako lege eta araudietan xedatutako betebeharrak eta debekuak ez betetzea, egin den arau-urratzearen izaera dela eta, bestelako kalifikazioen bat duen kasuetan izan ezik.

B.Arau-urratze larriak izango dira:

—Garbitasun eta osasun egoeraren aldetik egokiak ez diren lekuetan animaliak edukitzea, janaririk eta beharrezko osasun asistentziarik eman gabe.

—Animaliak antzutea, mutilatzea eta akabatzea albaitariaren kontrolik gabe edo Legeek zein Araudiek ezarritako baldintza eta eskakizunetan ezarritakoaren kontra.

—Ez bakunatzea eta derrigorrez eman beharreko tratamenduak ez ematea.

—Animaliak baimenik gabe saltzea.

—Ordenantza honen ezarpen eremuan dauden animaliak aldi batean edukitzea, hazi edo saltzea Legeek zein Araudiek ezarritako baldintza eta eskakizunak bete gabe.

—Animaliei tratu txarrak ematea, akabatu edo zaurituz, alferrik sofriaraziz, zauritu edo mutilatuz.

—Animaliei alferrikako sofrimendua eta kalteak eragiten dizkieten substantziak ematea zuzenean zein janariaren bitartez.

—Kalteak eragin ditzaketen animaliak behar bezala ez zaintzea eta behatzea.

—Animaliak min larriak eta nabarmenak dituela jakin eta albaitaritza asistentzia egokirik ez ematea.

—Administrazio-baimenik ez duten ikuskizunetan animaliak erabiltzea.

—Zigor-espedientea hasi aurreko bi urteetan zehar hiru arau-urratze arin egin izana, baldin eta zigorra ezarri bazaio erabaki irmo bidez.

C.Arau-urratze oso larriak dira:

—Animaliak txakurtegian egon eta nahiz eta jabea identifikatua egon, jabeak animalia ardura hartu nahi ez izatea.

—Animaliak akabatzea era bortitzen batean edo substantzia toxikoak emanda.

—Konpainiako edo etxeko animalia bat abandonatzea.

—Animalienganako krudelkeria, tratu txarrak edo animalien sofrimendua islatzen duten eszenak grabatzea.

—Baimendutako ikuskizunetan parte hartzen duten animaliei anestesia, drogak eta abar ematea, horien bidez haien berezko portaera guztiz kontrako bihurtu ahal izateko.

—Pozoindutako janaria lagatzea bide eta espazio publikoetan.

—Animaliak debekatutako ikuskizun publikoetan erabiltzea.

—Zigor-espedientea hasi aurreko bi urteetan zehar hiru arau-urratze larri egin izana, baldin eta zigorra ezarri bazaio

erabaki irmo batez.

XIII. KAPITULUA. ISUNAK

61. artikulua.

Ordenantza honetan jasotako arauak urratzea ondorengo isunez zigortuko da:

- Urratze arinak: 10.000-tik 50.000 pezetara.
- Urratze larriak: 50.001-tik 250.000 pezetara.
- Urratze oso larriak: 250.001-tik 2.500.000 pezetara.

Isunen zenbatekoa urte osorako izango da eta hala behar dela uste izanez gero, eguneratu egingo da Ordenantza Fiskalak errebisatuz.

XIV. KAPITULUA. ZIGORTZEKO ESKUDUNTZA

62. artikulua.

Isunen zenbatekoa neurtzeko eta aurreko artikuluan ezarritako zigorren iraupena zehazteko, honako zirkunstantzia hauek hartuko dira kontuan:

- a) Arau-urratzeak gizarte-mailan eta osasunean izandako eragina eta ekarri duen kaltea.
- b) Legez kanpoko irabazi asmoak eta horren bitartez izandako irabazien kopurua.
- c) Arau-urratzeak behin eta berriro egitea. Arau-urratzea berriro egin dela esaten da lehendik ere, zigor-espeditentea hasi aurreko bost urteen barruan Ordenantza honetako arau-urratze bat dela eta ezarri izan bada administrazio bideko erabaki irmoaren bidez.
- d) Zigorra neurtzeko orduan eragina izan dezaketen bestelako inguruabarrak, bai arintzeko zein larriagotzeko moduan.

Ekintzak berak arau-urratze administratibo bi edo gehiago ekartzen baditu, zenbateko handiena daukan isuna ezarriko zaio, espeditentea instruitu eta ebazteko organo kompetentea ahalmen zigortzailea duena izanik.

63. artikulua.

Zigortzeko ahalmena izateko, ezinbestekoa izango da zigor-espeditenteari ekitea, horretarako legeak edo bestelako arautegiek ezarritako bideei jarraituz.

Zigor-espeditenteak Udalak bideratuko ditu eta arau-urratzeak oso larriak badira, Foru Aldundiko Organo Aginpidedunari bidaliko dizkio. Zigor-espeditenteek ezarritako zenbatekoak udaleko diru-kutxan sartuko dira.

Arau-urratze arin eta larriei dagozkien zigorrak Udaleko Alkate Lehendakariak ezarriko ditu.

Ordenantza honetako edozein zigor-ezartzek ez du suposatzen zigortua erantzukizun zibiletik salbuetsia geratzen dela.

Arau-urratzeak delitu edo hoben izaera baldin badu, gertatuen berri epaitegiari emango zaio eta Organo Administratiboak ez du aktuziorik izango.

64. artikulua.

Zigor-espeditenteari ekinik, kautelazko honako neurri hauek hartu ahal izango dira, berriro arau-urratzerik gerta ez dadin:

- a) Animaliairen batek ondoko zerrendan jasotako egoeraren bat bizi izan duela susmatzen baldin bada, animaliairen zaintza eta ardura kendu egingo zaio jabeari:

—Behar bezala alojatuak eta elikatuak ez dauden animaliak.

—Albaitariaren tratamendurik gabe gaixo eta/edo zaurituak dauden animaliak.

—Pertsonentzat gaixotasun kutsagarriak dituztenak.

—Gaixotasun kroniko larri edo sendaezinen bat dutenak, mutilazio mingarriren bat, oinaze larri eta itzulezinen bat dutenak.

b) Instalazioak, lokalak edo establezimenduak prebentzio moduan ixtea.

Kautelazko neurriak ez dira etengo ahalik eta horretarako arrazoiak desagertzen ez diren bitartean. Neurri hauek ez dira luzaraziko espedienteko ebazpen irmoa baino areago.

65. artikulua.

Isunak borondatez zein premiamenduzko bidea erabiliz kobratuko dira, toki-araubidean ezarritakoaren arabera.

66. artikulua.

Arau-urratze arinak sei hilabeteren buruan preskribituko dira, larriak urtebeteren buruan eta oso larriak bi urteren buruan.

Arau-urratze bati dagokion zenbatekoa 500.000 pezeta baino gutxiagokoa bada, urtebeteren buruan preskribituko dira eta bost urtebeteren buruan aipatu kantitatearen berdina edo andiagoa izanez gero.

INDARGABETZE XEDAPENA

Ordenantza honetan ezarritakoarekin bat ez datozen bestelako udal-ordenantzak, arautegiak zein bandoak indargabetuta geratzen dira.

AZKEN XEDAPENA

Ordenantza hau indarrean sartuko da Udalbatzaren behin-betiko onarpena Gipuzkoako Aldizkari Ofizialean argitaratu eta hurrengo egunean.